

CLASSIS XVI.

MONADELPHIA.

POLYANDRIA.

MALVA.

89. *MALVA hispanica* foliis palmato-incisis, caule procumbente, calyce exteriori diphyllo.

Habitat in campis juxta Aranjuez versus Yepes & Oca-na, juxta viam.

Radix descendens, recta, lateraliter fibrillosa, sat longa.

Caules plures, procumbentes, adscendentes (in angustiis inter fruticosos Artemisiæ campestris & Salsolæ vermiculatæ), subrecti, teretes, subscabri ex punctulis piliferis, pilis procumbentibus.

Folia Radicalia & caulis quinque vel tripartito-palmata: lobis linearibus sursum latioribus, sæpius iterum singulis trilobo-incisis.

Caulina ultima & subfloralia, sæpius enim stipulis conjuncta, tripartita.

Stipula binæ, lineari-acutæ. *Petioli* folio paulo longiores.

Flores solitarii, axillares, pedunculo folia excedente.

CAL. *Perianthium* exterius diphyllosum: foliolis linearisetaceis, subhirsutis, ab exteriori parte calycis sitis.

Perianthium interius semiquinquefidum, pentagonopyramidatum, laciniis acutis; margine recto subpubescens.

COR. malvacea, calyce interiori sesqui longior, petalis obtusis, late emarginatis.

STAM. *Filamentum* cylindricum, columnare, apice fissum in plura.